

„Mama, moram im glavu dati“

Stradanje nesrpskih mladića u bivšoj JNA do sada je prvi i jedini istraživao Nihad Halilbegović i dokaze do kojih je došao objavio u svojoj knjizi dramatičnog naziva „Mama, moram im glavu dati“.

- U bivšoj JNA nestalo je i ubijeno između 150 i 200 nesrpskih mladića, ubjedljivo najviše Bošnjaka. Bili su to mladići koji još nisu bili oženjeni, to su momci koji su danas trebali imati svoje porodice. Većina ih se vodi kao nestali.

Prema mojoj evidenciji, 44 mladića iz bivše JNA ubijena su za samo deset dana rata u Sloveniji. Prva žrtva bio je

Kada su roditelji otvarali limene sanduke, zbog gasulenja, tada se utvrđivalo da su momci ubijani iz pištolja i da je laž ono što su oficiri bivše JNA pisali u pismima.

O herojstvu Mevludina Kuljca danas se ne priča. Čudno je samo kako ovakve izuzetne ljude ljudsko društvo teško zapamti. Kada je doktor Senahid Alajmović otvorio limeni sanduk, na dan dženaze u gasulhani u Ugorskom kod Voškošće, utvrdio je da je rahmetli Mevludin ubijen iz pištolja iz neposredne blizine, a ne kao što je pukovnik Nadžak ubjeđivao Mevludinovu majku Izetu da je ubijen dum-dum



Nihad Halilbegović: Jedini istraživao stradanja nesrpskih mladića u JNA

Bošnjak koji je poginuo u helikopteru s jednim Mađarom i jednim Srbijom 27. juna 1991. i taj dan njihovog stradanja smatra se početkom stradanja bošnjačkih i nesrpskih vojnika u bivšoj JNA. Od tada počinju masovnija ubistva i maltretiranja bošnjačkih i drugih nesrpskih regruta u redovima bivše JNA. To su bili dani kada je Bosna plakala, njihove dženaze su bile jedan dobar vid osvješćivanja naroda, jer svi smo do tada bili u zabludi kada je uloga bivše JNA u pitanju.

Ubijene vojnike su nam slali u limenim sanducima uz propratno pismo u kojem je stajalo da su ubijani od hrvatskih vojnika i policajaca i da se sanduci ne smiju otvarati.

metkom od hrvatskih snajperista. Dan nakon Mevludinove dženaze u Sarajevu smo klanjali dženazu i Jusufu Deliću, momku koji je na sličan način ubijen u bivšoj JNA.

Zločinac Boro Ivanović, Mevludinov ubica, učestvovao je, osim u zločinima u Hrvatskoj, i u zločinima prilikom ulaska u nekoliko bosanskih gradova, zbog čega je nagrađen unapređenjem u čin generala i postavljanjem za komandanta Novosadskog korpusa Vojске Jugoslavije. Republika Hrvatska za Ivanovićem je raspisala potjernicu i smatra ga odgovornim za ratni zločin nad nekoliko stotina civila - rekao nam je Nihad Halilbegović.

plaćući radila u firmi. Noć prije nego što sam saznala, sanjala sam kako sam ga zagrllila kao pri posljednjem susretu i čula glas: „Nemoj Izeta, Mevko je mrtav“ - priča Izeta koja je u srijedu, 4. septembra 1991., na vještima čula za pogibiju četvorice vojnika u Osijeku.

I pored toga, iz kasarne su joj oficiri lagali „da se ne brine, jer joj je sin bezbjedan“.

Hrvatska je, nažalost, zaboravila žrtvovanje Mevludina Kuljca. Zasiurno da nijedan građanin Osijeka i Hrvatske danas nema pojma ko je bio Mevludin Kuljić, a itekako je zaslužio zahvalnost i priznanje Republike Hrvatske.

Možda bi hrvatski pre-

dsjednik ovome mladiću, barem posmrtno, trebao iskazati zahvalnost što nije pucao u građane njegove države pa je zbog toga dobio metak u glavu. Zaslužio je da se barem jedna ulica u Osijeku po njegovom imenu nazove, da spomenik dobije... Mevludin i drugi nevino ubijeni nesrpski regruti u bivšoj JNA nisu uvršteni ni u kakvu kategoriju palih vojnika.

Molim Gospodara svih svjetova da ovom hrabrom i časnom mladiću i onima koji su kao i on nevino ubijeni, samo zato što nisu htjeli ubijati, na onom svijetu daruje hvale dostojno mjesto, tamo gdje borave oni koji radije ginu nego da zlo učine.

POLITIČKI POLIGON

Pranje obraza

Nedopustivom šutnjom o zločinu počinjenom nad uspomenama srebreničkih majki, bošnjački zvaničnici opet su potvrdili svoj sramotni odnos prema dokazanom genocidu

Glavni tužilac Haškog tribunala Serž Bramerc (Serge Brammertz) ni tokom posljednje posjete našoj zemlji nije imao odgovore na ključna pitanja. Srebreničke majke su ponovo ostale uskraćene za zvanično objašnjenje zašto su uništeni lični predmeti njihovih najmilijih koji su pronađeni u masovnim grobnicama, a tokom suđenja ratnim zločincima korišteni su kao materijalni dokazi za počinjeni genocid.

Bez odgovora

Bramerc nije imao konkretan odgovor ko je, osim njegove prethodnice Karle del Ponte (Carla), svojim potpisom aminovao uništavanje oko hiljadu artefakata, šta će biti s Del Ponte i njenim pomagačima u spaljivanju gomile ličnih karata, fotografija i ostalih nađenih predmeta žrtava genocida.

On je, u nedostatku odgovora, svjesno ili ne, ponovo udario u najbolnija osjećanja srebreničkih majki, sestara i supruga. Bra-

neći svoju i savjest svoje prethodnice, ali i institucije koju predstavlja, on je pred napućenim Srebreničankama dijelove odjeće njihovih zvjerški ubijenih sinova nazvao „nekakvim krpama“.

Odajući utisak konfuznog, nepripremljenog i umornog čovjeka koji je dva čeka kraj mandata na sadašnjoj funkciji, Bramerc je kao najveći rezultat svoje jalove posjete apostrofirao činjenicu da je od svih sagovornika u bh. prijestonici tražio da se uhapsi odbjegli ratni



Piše: Ruždija ADŽOVIĆ

Braneći svoju i savjest svoje prethodnice, Bramerc je dijelove odjeće ubijenih Srebreničana nazvao „nekakvim krpama“

zločinac Radovan Stanković. Još jedna prazna priča, na pogrešnoj adresi.

Iz nekoliko posljednjih Bramercovih posjeta BiH može se između retdova pročitati i zamor ostalog osoblja Haškog tribunala, a što može biti vrlo opasno za ishod suđenja gospodarima smrti, zločincima Radovanu Karadžiću, Ratku Mladiću i Goranu Hadžiću.

Iako mu se ne mogu osporiti zasluge što je pravda koliko-toliko zadovoljena i što je dokazana agresija i genocid počinjen u BiH, Haški tri-

bunal je, u krajnjem, ipak, ponajviše poslužio za pranje obraza i savjesti međunarodne zajednice.

Jedine uspomene

Nažalost, iz svega je sve očitije da niko nikada neće odgovarati za to što su srebreničkim majkama oduzete jedine uspomene na njihovu djecu, osim ako najavljen tužba protiv Del Ponte rezultira zasluženom kaznom izrečenom na nekom nepristrasnom sudu.


Svakako, ne treba previdjeti ni činjenicu da Karla del Ponte zaštitu dobiva i u nedopustivoj šutnji države BiH i njenih zvaničnika, koji jednostavno žmire pred zločinom počinjenim i nad uspomenama srebreničkih majki. Time su predstavnici bh. vlasti, posebno oni iz bošnjačkog korpusa, još jednom pokazali svoj odnos prema dokazanom genocidu i agresiji koje je Srbija počinila u našoj zemlji, a o čemu bi upravo spaljeni artefakti, kao muzejski eksponati, najbolje svjedočili.

► PRESSIJA Bivši direktor „Hidrogradnje“ ne miri se s otkazom

Smijenjeni Mašić još vozi službeni „golf“

Bivši direktor „Hidrogradnje“ Semin Mašić, koji je nedavno smijenjen s te funkcije, još odbija predati službeni automobil, plavi „golf 6“. Kako nezvanično saznajemo, Mašića i dalje viđaju u ovom automobilu, iako već oko mjesec ne radi u „Hidrogradnji“.

Osim toga, došli smo do računa za plin za Mašićev privatni stan u Paromlinskoj ulici u Sarajevu s početka ove godine. Ovaj račun stigao je u „Hidrogradnju“ na naplatu.



Račun za struju koji je stigao u Direkciju „Hidrogradnje“



Mašić: Brojne nekretnine

Inače, mnogi čelnici ove kompanije u prethodnim godinama stekli su pod vema sumnjivim uvjetima stanove u zgradi u Paromlinskoj ulici, koju su radnici „Hidrogradnje“ i izgradili.

Naši sagovornici tvrde da Mašić ima i stanove na Iliđi i Koševskom Brdu te vilu u Rakovici. Za sada nije poznato jesu li računi za režije svih ovih objekata plaćani od novca gladnih radnika.

G. M.

► IZVJEŠAJI „Transparency International“

Mito i korupcija nam životni saputnici

Te pošasti uselile su se u našu svakodnevicu i gotovo se legalizirale na ovim prostorima

Bosna i Hercegovina može zahvaliti Kosovu što nije na čelu balkanskih zemalja po korupciji. Prema izvještaju međunarodne nevladine organizacije „Transparency International“, Kosovo je, naime, najkorumpiranija zemlja na Balkanu, a BiH je odmah iza nje.

Međutim, to što BiH nije balkanski lider u korupciji

nije preveliko ohrabrenje za naše građane. Koji stepenik niže na ljestvici ne može sakriti bh. realnost, jer je korupcija vidljiva na svakom koraku.

S korupcijom se naši građani susreću prilikom zapošljavanja, liječenja, školovanja, u saobraćaju... No, i oni su sami doprinijeli visokom rangiranju svoje zemlje na još jednu „crnu listu“.

Umjesto da joj se energično odupru, oni korupciju pospješuju vlastitim postupcima, prihvataju je kao normalnog životnog saputnika i takve navike ostavljaju „u amanet“ i svojim potomcima.

Korupcija i mito uselili su se u našu svakodnevicu i gotovo su legalizirani. Zbog toga stotine miliona maraka odlaze u privatne džepove

umjesto u državne kase. Korupcija „pojede“ brojna radna mjesta, domaća privreda propada, trgovinski deficit BiH sve više raste, a bh. političari se enormno bogate.

Zato nikakve koristi što smo čelo balkanske „crne liste“ prepustili Kosovu i ništa nam, dakle, ne znači stepenik niže ili više, jer nam se isto crno piše.

R. A.